

喙

鳴

文

集

喙鳴文集卷二十目錄

祭文

祭內江趙相公文

詞林祭杭州高相公文

同鄉詞林合祭高相公文

詞林祭興化李相公文

祭太保余公文

再祭余太保文

三閤奠山陰王公文

祭李五華文

祭張鹿峰文

祭葉封君文

祭柴季通文

祭王熙宇文

祭李珍默文

祭鄧定宇文

祭陳志行文

弔郝封君文

祭王省父文

祭管進士文

祭聞雙溪先生文

祭徐子器文

祭秦行之文

祭張子蓋文

合奠孫文恪夫人文

代父祭孫氏姑母文

祭叔父影泉公文

祭伯兄文

哭箕仲文

犬拜告祠堂文

泰鴻省墓文

哭泰淵文

祭陳起綸文

哭余僧杲文

祭邵世忠文

祭崔春洲座主文

同年祭羅康洲文

祭傅大恒文

合奠太倉母夫人文

祭徐太親家文

祭周太泚人文

祭周泚人文

祭長孺七弟文

誄

吳孺人誄

喙鳴文集卷二十

四明 沈一貫肩吾 著

祭文

祭內江趙相公大洲先生文

嗚呼扶輿清泚之氣乾坤星嶽之精篤產鉅碩為  
世鰲極載采亮翼盡忠本朝俾社稷憑以彌鞏士  
類瞻以趨步生靈載以寧宇四夷耳以震懼不可  
謂不遭世選主矣而厥膏尚屯厚積薄施賁弘略  
而遠舉翕長喙而永淪嗚呼哀哉何彼昊生之特

偉而資之猶尠也嗚呼夫子體茲亮實克明明德  
弱冠峻發志在霄漢幾深通志精恬默成高揖名  
師博求德友見真知之本性源致一之道源含萬  
象於一體驅九流於同域搏擲造化鼓鑄霄壤所  
以三仕不喜三已不懼料頭編鬚不為危奮劒援  
戈不為懾浮江逐沅不為怨棲遲蹇迴不為憂讚  
揚先聖獎進後學則耳提面命若恐不入耻獨為  
君子也汲引沉淪推轂臭味則敞口竭吻以就其  
材欲同升諸公也虛懷而襟帶不設弘亮而城府



洞開真人倫之師表薦紳之領袖矣翺翔詞苑頡  
頏世資平仲一心下惠三黜姦回無所布其阱噉  
啗不能點其玉氣潤河靈貌雄岳立精誠孚格金  
石為開龍虎蒸變風雲生色 先皇帝不謀群臣

而獨斷於夢卜拔之齊僚之中加之師保之上伸  
於知己誓專報國造膝沃心務存匡救引過稱善  
兼任勞怨廓如天於地表燁有截於隅外亦儒者  
之至榮舍生之厚幸矣何昌黎長遲而去逮君子  
難進而易退蒼黃反位齟齬命駕西轅三宿梁鴻

山一頽徒竭哭寢之涕撰杖長虛叩鍾竟寐嗚呼  
已矣苦塊抱疾絮酒末由遠酹西雲竟瀰東水知  
耶否耶所不敢問守良規以沒齒步遺塵而自泚  
庶上無負於皇天下無慙於夫子所不閑於教訓  
盖有知乎此文是以口不擇言文不成聲直以臆  
舉而已也

詞林合祭杭州高相公文

嗚呼國詢黃髮民瞻巖石謂神所扶胡理斯忒顯  
顯高翁光明偉碩君子珪璋正人松柏處涅不緇

地而長存也嗚呼道本無朕神終藏用靈無滯迹  
天豈偶物所嗟有情未被常愛朝摧其幹人隕所  
載此有識故老所以輟杵而啼天子公卿所以廢  
朝而誅也一貫自脫矯金閨閱冊玉府榮中郎之  
授書感有道之題目啟我醢鷄之覆示以大全策  
其驚馬之才勗之若卹歛春華以秋實騰鷺翎於  
鵬羽南榮之遇老子頓失偕來之人侯芭之師揚  
雲數問太玄之字蓋義重在三情鍾有萬者也而  
龍蛇當歲括人其委岷峨萬里莫重負土之繭秦

山一頽徒竭哭寢之涕擬杖長虛叩鍾竟寐嗚呼  
已矣苦塊抱疾絮酒末由遠酹西雲竟滿東水知  
耶否耶所不敢問守良規以沒齒步遺塵而自泚  
庚上無負於皇天下無慙於夫子所不閑於教訓  
盖有如乎此文是以口不擇言文不成聲直以臆  
舉而已也

詞林合祭杭州高相公文

嗚呼國詢黃髮民瞻巖石謂神所扶胡理斯忒顯  
顯高翁光明偉碩君子珪璋正人松柏處涅不緇

在喧彌瘳廣度長才直秉義色出入承明三朝典  
則秉道匡時摘文華國北扉南宮懋繁勞績夙夜  
直清曠禮斯飭霍簡再徵雉鼎始食受遺輔聖增  
光皇極望霖甫殷殲良昌亟某等夙奉末行今嗟  
永隔相視漣如靈輶發夕擷離薦辭音容疇昔諒  
為明神其輔宗祏

同鄉詞林合祭高相公文

夫何天馬之始六法駕也首長路而遺之若霖霖  
霖而忽霓若舟欲楫而罔維蓋天下之望公久矣

乃今期於臯夔胡然而相也胡然而往也彼尸之  
者伊誰維皇御極維新化理公以碩命元老忠貞  
不倚獵廣學於介丘濯明心於白水文章龍鳳之  
騫騰風操冰霜之凜冽金可鎔也讓其剛素可溜  
也羞其潔自解褐於金閨閱三紀而無闕或化茅  
以曲遷獨握荃而自悅每守約以常羸雖在朝而  
立予蓋喜愠未之覩也何岑靡之繇前藹雲傳而  
嶽秀亦可親而莫攀久雍容於侍從樹羽儀於列  
山柄三禮以和邦脩曠廢而不愆位視聽以猶甚

返初服以如脫試萬分而寡一辟太阿之小割廼  
顯膺乎爰立庶慰我乎饑渴走倪老以歡呼嘉耆  
碩兮進庸胡川嶽之靳精坼台象而告凶攀鼎龍  
以遙舉弛庶蹟於遺弓遂令嗣皇軫不憖之悲具  
寮興百贖之嘆咨寵錫兮鼎來可長夜兮復旦亦  
全節以掩采如世路之憤惋嗚呼翁之精誠結天  
下詎吳越之為鄉遐作人之不廣何詞林之末行  
顧夫飲洪流者愬其竭倣憇人者怨其亡慟里杵  
兮輟相悽隣笛兮山陽踞飲泣而陳辭患徘徊而

不詳

詞林合奠興化李相公文

嗚呼江淮產俊多開國勲公用儒起翼宣守文爰  
自肅皇臨軒褒舉審象應圖重於鼎呂調垣史  
局銓貳秩宗文章德業屢眷宸衷廼陟孤卿廼叅  
宥密末命奉揚先皇汝弼晉專上鉉默幹繁機  
法遵畫一道贊雍熙百僚師師天子穆穆夷夏乂  
安遐邇禔福功成不處累疏求間抽簪高謝賜傳  
榮還有赫褒綸曰誰儷古執政馮京養親王溥蟠



皤黃髮踰紀海濱東山碩望中朝外臣生事死事  
子道終矣適來適歸奄乘尾箕嗚呼忠孝咸遂勲  
名兩全垂休享大誰孰公先有粹其容風輝日燠  
有洞其衷山苞海蓄至今食福源本嘉隆當身歛  
迹歷世歸功鬱鬱堂封行雷備渥煌煌玉鐫永垂  
蹕卓公乎不朽吾黨曷瞻瞻彼旱麓惟石巖巖醺  
奠抽詞臨風悽愴元氣同鞠靈台在望

祭太保余公文

嗚呼扶輿山海之秀間一發為偉人迺猶涪淶而

不常豈造化猶莫信自昔有志之士惟致身之為  
艱豈知雲蒸霧會依日月之際尚不能展布四體  
終為陰陽之所患徒使長志裁於短筭彌天戢於  
一棺英人浩憤義士長嘆已矣相師終今曷之吾  
見夫瑰才博略廣意宏姿智足以苞汙茹下通足  
以役異驅竒敏足以率作興務健足以當前決機  
持權秉軸百胡不為而卒以有待之日虛往無竒  
之夫並傳穹階徒揭盛名空懸廼知古今士之不  
遇寧獨秉耜之下鼓刀之先亦有紆紫拖采排金

踐玉而齋志以畢日撫膺以就泉者也已矣相師  
夫復何言賴夫雅志山水永日琴樽圖南之翼雖  
逝而逍遙之意常存鳬短鶴長任運以俱邁鼠所  
蟲臂與化而彌敦是以屬續之日無復云云則亦  
不憾於物而又獨其真者矣嗟夫士貴有述亦難  
無名據高者召鬼鬻肥者為牲蓋棺槨然後定于  
月旦啟手足始乃免于淵冰蓋振古而如斯故聖  
賢猶凌兢若夫子之今日始寥廓於太清悲後死  
之白日譬行子之未歸航巨海之浩渺望嶼島以

焉依恐失持而一躓即瓦全其難幾肆今日之青  
門想雍琴之雙徽雖傷心于藩旆亦破涕於駉駉  
捐孤糝於岐達知是耶而誰非悲來乎東湖異日  
霞嶼當年縹緲歲書之所空濛隱學之山歌采苓  
而不返褰芰荷以私憐望白鶴兮不來灑長淚於  
終天借死日而可作吾不知其無慚作於九原否  
也

再祭余太保文

維萬曆丁亥六月二十日我文敏相師暨配一品

夫人水氏歸於隱學之塋者三年所矣諸子奉遺  
像祀於饗堂其門人大子賓客吏部左侍郎無翰  
林院侍讀學士沈一貫工部屯田清吏司主事沈  
一中鮑豕剗羊束茅褰藻告哀于几前嗚呼生感  
激而多悲兮掩丘穴之餘潛矧知己之零逝兮撒  
楚輓之汎瀾歷聖賢之偕盡兮特牛山之淚滋使  
咽水而可導兮溢千頃而湖之何靈輶之夕綆兮  
逝不留於鷁舟曩簫鼓之嘈嘈兮茲鄰笛之啁啁  
氣衝襟以噢咿兮涕垂縻以滂沱彼黃流之後清

兮誰樂餌而止過追徹瑟之大暮兮忽拱木以斯  
晨立象馬以罔韉兮疑遠遊之眇因嗟萬事不可  
極兮吾安知理數之所居恒駕遊以避宅兮闕重  
門而不開促縱鱗於潢汙兮鬱豐羽以翳薈繳翔  
鳥於寸矢兮韜須彌於一芥蝕九鼠於枯藤兮淚  
獨鶴于陰幃霏賓朋之珠履兮掩燕趙之襜褕哀  
九命之不再兮驟遼羽而上升聖達節而寡憂兮  
又何貳於幽明吁人生之多故兮得沒地斯為難  
矧侈靈於題湊兮穿厚中而起墳繹浮休之祕思

兮齊生凋之大年區區乎僑終蹇謝兮胡謠相之  
復言

三閣同奠山陰王公

於乎公乎君臣大倫出處兩端遵合亦易無慚實  
難人孰無出出而素食享膺受豐報蹇可單人孰  
無處處而盤桓荆璞不匿隋珠豈彈公繇秉樞及  
歸考槃自初迄終道無可刊正色立朝其氣如蘭  
贊徹計密乃心洵丹痼瘕在躬永楚長酸意所不  
可寧論一官 甲親慶成海寓共驩或躍在淵于

誰傳翰東山衮繡東園衣冠功將身遂道與名完  
凡百欽公風議團藥矢謨如泉隱不見端凡百欽  
公脫金就利胡能獨樂天下皆瘁有迂如溫有顛  
如韓年貌寢食繫時危安朔風訃來灑泣成闌  
帝念舊臣輟朝而歎矧是蒙等盟鴈締鸞延瞰天  
飛竟悲泥蟠英英寶臣忍函玉棺誰能起之萬恨  
峰攢

祭李五華年伯文

穹隆維嶽西南其首湯湯漢沮佩慨左右維京之



域麗於興國高閭者誰指樹其族有嘉聞孫道德  
是遵量宇淵塞風規玉溫緝思芳猶烟若雲霄丁  
年蜚聲甲榜標烈周行推美舊德歸新吏以文飭  
華將實因中外屢更劇易咸靖凡所典司必聞異  
政練達朝章如河斯懸羽儀士服噦噦其翩肅肅  
在憲惟慎惟讞長轄大藩式屏式翰渥澤彌流懿  
圖彌恢九列虛左眷焉待來貽厥茂嗣陶輪為器  
無埴弗佳登於皇肆洵美冢君弘博不群潤色鴻  
業煥為國文維仲暨叔象賢者六蹕彼荀宗躡茲

竇族公倦於官以逢親歡中帶廁踰冒浣曷泔曠  
宇高賞逸馳雲上急流勇退衆星獨朗履躬康哉  
百禄鼎來歲在龍蛇賢人固灾凶言赴迅人倫崩  
震矧予猶子而不首疾自南凱風日入於濛天地  
為廣斯人曷容士蔑典刑世摧耆老悲哉秋風傷  
心蕙草叩瞻曾霄有駟僂僂靈之脩往我神為彫

祭張鹿峰年伯文

肖山父

語稱芝草無根醴泉無源自公觀之是為靈言公  
蘊井絡之精席箕裘之盛績學宏文脩身飭行爰

自黃門公以忠諫批鱗謫戍瞿塘公與伯叔甫在  
髫鄉而扶襯返葵泣血皇皇孝聲動乎閭里人號  
今之文強既用詩書繩武科目起家鴻名策於天  
府世德冠乎西巴深恩波於三楚戢駿略於一涯  
雖槩見者無幾而遺民至今咨嗟廼三鳳聯翩五  
色繼起操三尺以平反信于公之有子挾萬言而  
取資又眉山之繼美太史為之占星冠蓋可以題  
里而公徜徉丘園飲酒賦詩力教化於鄉黨友造  
物於希夷亘享遐壽逝胡遽為嗟夫君子生無媿

四時文集卷之一  
於妻子死無覩於先人骸無隕於閭閥官無辱於  
縉紳雖一日其猶永何脩短之足論因嗣子以遐  
泚聞丈人之餘響擷澤芹以陳詞魂遠來其惻惻

祭葉封君文

嗚呼人生幻耳誰其能久初娟綿以姣好忽遲耄  
以衰朽未浹時而移日俄奄忽而不守曷存曷亡  
皆大塊之噫氣孰往孰來盡天地之芻狗嗟爾封  
公為余疾首昨歲走京師馳馬服劍曾血指之不  
先胡然而一返丘國遽匿光乎林藪以公之康強

健矯脫履而不可知然則蒲柳未必不為松栢松栢未必不為蒲柳死生若環夫亦何憾所貴乎公厥有其壽樹德於躬則被服儒者寶愛善人為政於家則篤親惠嫻和隣睦友挾七策以息業退而彌彰授一經於趨庭昌在其後肆我海隅獲徼福於賢侯聞之天子俾給事於左右密議倚以酌衆庶僚資其繩糾於式穀之惟賢徵積慶之孔厚是以惠綏寵光冠巍冠而服朱紱蓋巖桂必芳澗蘭必馨雖勿試而不可謂不偶嗟乎公雖逝矣而給

事君之所以匡辟惠時者雲流霧施不可窮吾知  
三泉可以輟歎七尺茲為無負何必綿微息於寸  
喉縻神方於曲肘然後稱叟哉顧余小子通家下  
走服贖脩於下風係遐望於北斗求翁何鄉於無  
何有問翁以縞哭翁以酒嗚呼冥漠莽蕩之中誠  
不知風轅電駒顧人間而少遷連否也

祭柴季通文

誰令造物為此者吾安知其所以然藉天於萬物  
各予其所欲天亦難乎其全吾將以萬古之目視

天地而觀其壞何慘於五十年而恨使君之慳洞  
於今日一棺之故而昔之悲喜萬狀得失萬變不  
啻蚊虻之過前通吾說者上見天不通吾說者下  
見泉維使君勲名不極徒抱空志以泯泯人皆以  
為惜吾以為即使君都卿相於今之天下豈能拔  
地而騰天使君生平瑰磊卓詭負氣天下高使君  
之節而忌其脩夫天下何知毀之者不肖而譽者  
豈賢天下之鮮久矣若使君者幾乎以完而何恨  
乎重淵獨使君以兒女累我此我後死之累也君

何累焉我亦安能知兒女之將來吾直任彼之陶  
甄嗚呼使君已矣吾不能倚戶編曲鼓琴歌以送  
之吾亦愛吾淚之汙漣

祭王熙宇主政文

妻死京邸無何亦死于火

嗚呼運物之泄有不可以常理究者是則不虞之  
殃蓋千萬人而或一人罹之乃君胡逢其不祥夫  
以君之恂恂鞠躬以植其身彬彬文學以姱其脩  
孝友孚於鄉黨然諾重乎交游既才且賢應時鳴  
騶奉轡軒以使四方則 皇命式宣守繕部而給



六軍則戎裝孔脩蓋歷官淺而處職卑所自效者  
若此可不謂奉職循理又何多求何辜於天何怨  
于人何讓於鬼何適於神乃降大凶殲其內君猶  
未已也以焚其身蓋鬱攸之無情豈寧封之與隣  
身死之日家無餘財具棺槨此不足以哀縉紳耶  
嗚呼人誰無死死即等耳死病死火何惡何美今  
君之子舉二柩以南君其乘雲駕龍逍遙而歸故  
里嗚呼生與君同鄉仕與君同朝婚姻兄弟譙笑  
招邀覩君酷罰魂何不銷生當飲餞死為漿枌哭

辭盡矣何能嘒嘒

祭吏部司務珍默李公文

余鄉試內薦座主

追維曩者歲在辛酉較藝秋闈用呈妍醜繆膺粉  
滌變竒成偶特達相知惟公之有既邁君子玉粹  
春溫薦論慷慨匪思所存鳳麟其瑞華嶽其尊展  
也哲人幸哉及門既東且西音徽阻隔雖有寤寐  
不能朝夕戊辰首春更奉履舄忘其契闊慰勞籍  
籍遭時過分糜祿闌下高武既接短袂屢把眷眷  
款實若家人者助我斲力假我乘馬有時密坐較

古考今勉率景行發寤於心有崇素業有昭德音  
嗟嗟我公翔於士林翔於士林為型太學天子貺  
臨盜講賜渥往典棘寺榮名彌遠載攝天曹清通  
偉葦伊人如何國之璫璣不暴其光衆輝自并一  
朝奄化委其生平天之毓才厥意可明嗚呼命矣  
縉紳同嘆矧茲在門忍而自寬西州路迷隕涕洟  
瀾玢函瓊枝化為金棺

祭鄧定宇文

令德君子邦家之毗溫恭為本孝友為基積基樹

本行醇誼薦神明澹如無營無欲出不休顯處不  
戚貧恬以和競靜以鎮紛為朝典型為時冠冕惟  
帝眷賢正思適館云胡厭世登遐踐冥去辭白日  
而為列星旱既太甚密雲不雨大厦難支梁木斯  
萎誰為此者匪降自天詰人不居民何生焉束芻  
寄將有潛其膏為公盡傷為時憂憤

祭陳志行太翁文

孝子

嗚呼死生旦暮古今所同何足櫻達人之胸中維  
人所為貴天地者彛倫之寄而孝弟之先儻不是

務而幼不孫長不述不死何稱焉嗟余陳翁閭閻  
儲祥佩詩嚴禮既赫稱鬻湖之世家明農問桑而  
經書滿腹其居山澤而志廟廊者耶謝家玉樹竇  
畹天香有鳳子與鸞孫善嗣續之未涯洛水歌英  
商山擷榮幾百載而謝去又驟雲而躡霞凡此者  
金聲玉薤炳耀寡兩而余未為翁之所希翁之所  
希則赤子之舊德而聖哲之隆徽嗟乎百行安累  
萬善安始兩儀安立百王安軌相彼林鳥受哺於  
子彼人弗如胡然臚趾竭情盡敬亶亶忘劬夕膳

晨羞生庭死廬此吾所以遜翁之弗如者歟不可  
朽矣死何有矣薄薦我有薄庶我醴嗚呼陳翁庶  
來眎此

吊郝封君文

邗溝暮兮水敷蜀岡惻兮景晡天荒荒兮脩途弔  
先生兮束芻欵飲哉生人之不留也捷於隙駒死  
存之代施也若機灌輸計先生之閱世也八旬且  
踰倏弭節以掩色也直循斯湏嗟幻物之糾紛也  
誰究其圖信外質之非珎也懷子瑾瑜吁嗟先生

亦丈夫標形山峙意氣龐龐情神朗照懸明珠高步  
入楚豈有徒舉手四招集青蚨咲而收之如博盧  
贏金遺經兩具俱五色皇路翔鵷雛不獨素封黃  
封殊雍容遊間車騎都公卿籍甚多跡趨史傳儼  
殖有以夫先生之道時隆汙末路可卷還如蘧甚  
愛亦鑑老氏模自休其休神不枯聞有道者命所  
逋終焉不免非命乎吁嗟先生亦不孤來有從兮  
去有徂去來之說有也無

祭王省父文

嗚呼白日忽其不掩兮若挂纏而駐之人非金石  
必消毀兮百年共盡兮何疑脩榮短悴窮憂達歡  
固人情兮予安能抑而無悲狸鼠內穴螻蟻外蝕  
生者掩而弗能禁兮死又奚知朋儕聞之嘆息嗟  
悼而止雖妻妾殞哭終何伉於孤嫠臨穴惴惴慨  
樂不終極矧與憂生而不能一日歡者竟何成為  
予四過廣陵習其人而歲一新也今五哭老成盡  
矣嗟後死之為誰且夫天地淳龐之氣漓久矣而  
乃有如遊華胥如杜德機雖即市道坦無町畦以



儉起家以息寬之交游善良誦古今詩吾必謂學  
安用知書引不能觴常持酒卮居不必山有鹿與  
芝此逸民之遺軌非垢氛之能溜嗚呼宜吾不能  
忘公而悲也亂曰有隱君兮生三秦兮淮南賓兮  
苓山人兮生不脩兮初五旬兮身為塵兮德猶新  
兮桂樹漿兮假我神兮

祭管進士文

名大耀本無病學行氣死

嗚呼古者有死死壽歸也死病時也非病而病非  
死而死此吾輩所以痛惜歎恨於管君也以君之

強即耄耄弗論五六十已所自有生何患君而之  
死恐弗亟病為不病死為不死益生為祥而竟罹  
大凶也嗟嗟管君明能讀百家書而不能燭其五  
藏辨別昭闇死生之路聰能聞古今言而不能入  
賢智勸諍之一語謂菑為利謂忠為愚力能取進  
士而不能少緩湏臾無死樹尺寸之業以實談士  
之口乃使親知視歛僮僕持棺魂泊無所歸骨千  
里父母迎死子妻迎死夫子女迎死父資用困乏  
俯仰失倚輒笑而長號一榮而永謝死惟無知耳

猶有知者恐子不能忍悲慟安蒸嘗悔疇昔之迷  
陽而抱長恨於終古也嗚呼暮矣無所愬矣已矣  
悞矣請勿悔矣初君不病悞而病病可無殆又悞  
而殆殆可無死又悞而死死復何悔悔亦悞不悞  
亦悞不悞亦悞者易明也悔亦悞者人生則安為  
生死則安為死既不安生又不安死則惑也滋甚  
君其勿怨勿悔還精戢靈依丹旄以南指望故廬  
而託處以康其親而利其後人我輩束帛斗酒與  
君別矣辭盡矣嗚呼已矣

祭聞雙溪業師文

吁嗟造化之理實無故常天地之大意者為其茫  
茫耶先生守玄體素蹈矩循衡居身有珎先民共  
稱執青衿之牛耳搖文戰之茅旌謂天衢可以平  
徃帝闈可以直升而乃屢頓絃網之踈深韞席珍  
之貴下帷閤園挾傳剔䟽姬精孔神周情朱思紛  
談說於禮園晰疑回於文路是以羅鄭玄於絳帳  
立侯芭於玄闕負墻避席濟濟其間豈時舍而終  
否盖道達而身閑如某者承學小生都養下士偶

當解顏之笑輒稱交臂之子幸奉身而矢公敢徇  
末而乖始願服膺於往訓長稟裁於來紀胡天不  
憖龍蛇在辰悵音驛之遽寐恨太山之輒塵几席  
杖屨靡所撰嘯歌聲歎靡所聞音猶存耳世已如  
雲嗚呼一往而不返者年高高而不可問者天邈  
萬化歸於盡斯聖尼所以喟逝川攀號痛哀若為  
復言

祭僉事徐子器文

嗟嗟東磐何至於斯謂天蓋明誰其問之魁梧奇

偉非薄命之相溫良樂易又永福之姿一第明經  
二宰巖邑栢臺之風霜高厲肱郡之雨露並集壯  
圖方遠大任將及而汲直有淮陽之命賈臣厭承  
明之入惟江之右有覃其波振平惠以字小民約  
躬身以敷大和雖高其官而用其小亦老其才而  
求其多何彼蒼不憖之甚勤難露易晞之歌士之  
處世患不逢主即其遭已而短若許故后土多懷  
璞之儔皇天寡支傾之侶不佞自昔器公材公請  
以弱息壻之徐翁悵承筐之無實何命駕之復窮

除穰無荼壘之神戲侮有揶揄之叢我輪北來君  
書西至未乾手墨遽乖人事聞我報章尚未陳前  
曾不少待蓋棺已先傷水火之難虞倏芳菲之再  
凋獨五絲之難續雖赤繩猶不牢祗執巨卿之緋  
而拊元伯之輜化杯酒于鷄絮裁蘭言為蒿悲此  
情可待此意何詞嗟嗟東磐其能垂聽于斯也

祭秦行之文

天之生才良匪易然胡君之生而茲忽焉胤英閥  
闔稟學父師家業世世疇人鉅儒爰奮鄉書魁其

邑子爰起南宮稱都人士騰名帝側作宰江都雄  
飛矯翼惠渥良圖龍驤虎視平步萬里曷為隨牒  
百粵之汜器大用小方鬱群情將飛且伏泥蟠雲  
凌何辜於天何厲于人肆其狂訾乘間排根訛訛  
讒讒噪譟謾悖銜刀懷毒為兇為魅白日為冥青  
天不舒按劍相視虛喝恫疑尚有清議猶從薄罰  
玉杯不璽金甌未缺六駮雖蹶英蹄自豪晨風雖  
折冥翊自高讒莠雖長不食嘉苗君子雖困頡頏  
大衆鴻漸之翼隨陽楚澤雖則折節未為失策何



遷憔悴迫脇裏中焚芝蕪蘭躡三閭蹤嗚呼曲鈞  
封侯直絃道周潛穎怨春陵茗叢秋自古而是寧  
獨今世取彼譖人授之有畀死生命也晝夜循常  
心苟無瑕為龍為光辱與君交越在辛酉接軫聯  
驪是稱密友風雲感會臭味氤氲贈瓊報玖是稱  
昵親有偉鬚髯姪脩焯越有洵心儀凝遠郁烈胡  
操短算獨遜庸恒發我賢媛孤我稚甥人邪天邪  
時乎命乎君其安之逍遙玄都旅櫬來歸哀哉楚  
些誰為大招寧之真座生芻一絮酹君于幽噤吟

嗟吁曾波皆流

祭張子蓋文

嗟夫萬事至廣千變難知我國家甚隆二百餘年  
日方中矣繫長繩縻西晷不可無巨人在而今詞  
林中赫然著聲足備他日爰立之選者幾誰哉如  
吾丈者表直方之貞幹抱經濟之偉猷主上傾心  
以待啟沃海內側耳以望丰采某辱在交籍接履  
綦馨欬者最久區區注往蓋願托不肖之軀焉而  
乃今已矣今年春不肖奉命北上無如二豎何回

馬首而南之天津之次倏聞吾丈訃音而不敢信  
既信矣使人灰心滅志喟然傷浮雲之不留而嘆  
世胡足為也太倉公以書來造次一牋而痛宮諭  
不祿悵悵焉憤憤焉人之遊岱宗者豈少哉而丈  
獨使人結情蘊恨若此深者何豈非世道之憂方  
深邪國家養士于詞林優之以望而不困之以事  
休之以早歲固將收其用于晚暮以棟梁乎明堂  
乃今而松柏與飛藿俱零抱蔓泣矣此晏子所謂  
又弱一箇也悲夫高秋雪樹重疊憂端縱橫淚流

有涕如泉雖相去數舍而病足不發命筆寓奠徒  
與太空相唯諾爾

詞林奠姚江孫文恪夫人楊氏文

世推華族必姚之孫士德既茂女範實敦繫太夫  
人克躬善聖備媾齊福式衍厥慶節義肇家維昔  
忠烈夫人事之蒸嘗敬潔嗣興文恪典禮寅清夫  
人儷之儆戒鷄鳴喆胤蕃昌鸞翔鳳翥夫人督之  
聯翩卿輔亦有麗藻擢辭染翰名流彤史工掩團  
扇彼女而儒寧獨相儀魚軒翟第象服孔宜身居

內閣聲聞士族溘焉上僊疇不盡縮大隧啟途可  
碑可銘芬華輶歌芳譽長青詞林世講陳罍薦焉  
匪曰告哀惟以誄德

代父祭孫氏姑母文

維萬曆十五年歲次丁亥十月十九日我仲姊故  
萬載丞孫公夫人告終於正寢越七日其弟封太  
子賓客吏部左侍郎兼翰林院侍讀學士沈仁佶  
遣男一初一經一貫一本創豕刲羊醢酒爇香敬  
奠几筵而告之以詞曰嗚呼我姊而遽化去也我

姊溫恭柔則備有婦章言不苟發動必規矩閨門之內肅肅雍雍無呵噍之聲無疾遽之容相夫子以恭撫子姓以慈御媵婦以恩教子孫以孝治家政以勤以儉待六親以德以禮故我濟橋公歷官巖邑而無內顧之憂雖中道夭而門戶巋然存家懷賢母而里誦女師信無忝於沈氏之生而增我先大夫之烈者也溘焉云亡吾將安倣追維我先大夫生我兄弟姊妹六人我先大夫最盛德壽七十一我母僅四十三繼母與伯姊季妹皆五十六

季弟六十而今姊獨九十壽最高是亦無憾卧病旬日無床第之苦是為考終子女雖先亡而嬾孝子若孫衆多醇謹好學無隳其家聲以天言之宜復大壻服官大府之庭克恭慎亦克永其祿皆無煩慮安得不謂之福此皆姊之可以含笑逝者也幽冥之中其無眴眴反視而鬱遏其靈爽哉手足一氣有百恒情弟雖老無淚而內漬五藏淋淋更益多蹶跚蹶躅不能正履即欲一拊棺而力不任前用遣兒輩代將一絮以寫閔哀嗚呼已矣不復

面矣登天入地庶覲見矣詞愈多悲來愈無窮置  
勿復矣雖在冥漠亦知我不言之意否乎嗚呼哀  
哉痛無極矣

祭叔父影泉公文

惟我叔父之生稟貞植亮履經煬和觸機善斷當  
義勇任直心是道洞達表裏若逢時避機身履雲  
霄當為國之寶臣棟梁明堂而尼于盛年晚乃素  
封心無垠而澤有涯猷可大而仁不廣然而樂天  
居易任真推分以至大耄易簣而內心無毫毛芥



蒞言而逾善超與元氣往可知也嗚呼哀哉一貫  
生不及祖父而竊聞素風粹然溫然如圭如璋我  
先考嗣興世德同道叔父肩隨墳麓和鳴惟茲壽  
祉之齊正以懷持之肖得氣甚正厥思無邪此固  
天心之所潛通而宜景福之無靳矣考終實難夫  
復何憾顧家艱仍沓不能十載而兩大人躡武于  
雲中老成云亾子姓安倣吾弟一中煢煢在疚念  
其雁行中斷益殊可憐伏想尊靈必垂庇福如一  
貫者力綿任重懼不朝夕方仗訓告諄復庶幾永

譽釋愆而倏聞訃書痛創欲絕匏迹所繫遠隔幃  
幕謹為位製服以延在天之靈晨晚饋食以比一  
日之養陳牲罌酒灑血告虔嗚呼哀哉延念音容  
敢望教戒尚惟冥冥默牖啟昏為明豈惟一貫之  
床實助邦家之祉竊且披泣用陳禱祈嗚呼哀哉  
尚饗

祭伯兄文

嗚呼吾沈氏詩書中衰而復興者吾伯兄力也自  
生齒來昂然有大人之度稟父母教苦志力脩出

禮入義戴冠履綦獎進我兄弟竟以成儒可不謂  
大造于宗若乃孝奉天經睦救群戚措躬發口罔  
不由于正出于厚上無忝于祖宗而下可為子孫  
法游藝墨林足稱宗匠又緒餘矣弟之不肖備員  
輔僚鬱不得為其所欲為每以書來促之歸休藹  
藹情言漂漂法詞在塵壚之表寒溫之外嗟夫弟  
之觸藩未獲奉行恨也而尤恨計來隔于終天九  
原下見知無慚否今茲一慟氣淚俱絕嗚呼極知  
人生會有盡時而不能不恨恨深恨于是弟入京

七年而遭期之喪四他苦又加焉皮骨猶存欲無情而不可得是數宵者累發于夢知兄之未忘情不肖弟也為位而哭告之以文悲哉哀哉

哭箕仲兄文

嗚呼人固有可死有可未死若弟今日固可以死也而未死兄可未死也而死胡其舛也嗚呼死真操之造物耶豈造物亦有所聽而不能自為耶若造物亦有所聽而不能自為彼亦一我也吾無怨乎彼若無聽而惟所為吾安能無怨今造物不能

造物而化物化之不予其贏于其奇虧張弓之義  
乖大德之名溺職甚矣而徒責我持子子之微軀  
操區區之空官挽黃河于既奔柱大廈以一支其  
將能乎生我以此不如死而猶不死何也兄憐我  
曰子苦穀矣夫穀豈可以復加若兄則所謂未穀  
而可加者也而才猷德藝又足以堪所至治效倬  
有佳聲胡遽於此乎止也夫賢者死不肖者生世  
又如此每感槩來欲一死見志然懼失丈夫之義  
將緇髡而逃也又非人倫所宜嗚呼既守死善道

矣則奚必度隱度見問入問居之為得既鼠肝虫  
臂無不可則截竒犧廟亦胡不可世未有不死者  
死于巖冗于戰場于都市等死奚以擇也兄嘗勗  
我曰一念萬年弟亦謹脩以俟耳焉知其他十九  
之夜夢兄騎馬將西第策馬追曰曷不一語而去  
遂痛心若割佚精蕩魂而尚惴惴躊躇不欲遽覺  
若僕兄之命者嗚呼命我久矣晝視白日夜視明  
月無非命者故宜無言今哭兄以斗酒而不舉也  
言亦何為徒恐怛化而增令造物者弄其智兄其

逝諸弟當不愧著之文以畢夢中不盡之情嗚呼  
哀哉

大拜告祠堂文

自昔之享大奉者必有所開又况菲薄本難負荷  
而一旦被超踰之命此其先德豈一日之積也夫  
仕宦至相為布衣之極誦讀之子雖日口之誰其  
肩之一貫勿承嚴訓日夜兢兢不忍以身效流俗  
之所為常自期刻以為儻竊一第則仕不過十年  
官不過四品於分為溢無復餘望故迹列周行情

歡在野邁榮若辱辭寵若驚急流勇退永奉親闈而不謂降割孔速廢于中途今年春夏再勤召命又勤大拜之命非其質之宜承與其願之欲得此祖宗深仁厚德積于冥冥不見之中而發于今日不可禦遏一貫適逢其辰而享其奉也才具短劣學術空疎夙所稟承者以厚為本以讓為基以施為事以忍為執以有所不為為高以無所不愛為廣世世守之今豈敢墜而委承既大求者四集則張弛時出任讓迭施予奪厚薄愛憎罷止其感萬



情有難膠執慮恐失忘本初以忝先德尚賴祖宗  
考妣默牖其衷俾常清常明常平常公不錯素履  
以善始終豈直一貫之幸實宗祐無疆之休又今  
日之吉一貫為泰鴻第二子延禧擇舉人陳憲學  
之第二女為配將行聘禮婚姻重事禮當奉告并  
祈俯垂祐庇宜室宜家謹告

泰鴻省墓文

維萬曆三十二年歲次甲辰閏九月戊寅朔二十  
一日戊戌少傅兼太子太傅吏部尚書中樞殿大

學士男一貫謹遣孫尚寶司司丞泰鴻敬祭于顯  
考誥贈光祿大夫柱國少傅兼太子太傅吏部尚  
書中極殿太學士府君顯妣誥贈一品夫人洪氏  
夫人之墓男一貫自甲午歲冬祇承 帝命告辭  
赴京脩已十有一歲未遑歸省緬想松楸不勝感  
慕茲奉 聖慈特遣泰鴻歸省輯理謹令代一貫  
虔申展祭伏惟尊靈俯垂鑒佑謹告

哭泰淵文

維萬曆二十六年九月二日父蛟門翁將以子泰

淵之視命僮林括奉而歸殯于鄞取牲酒為文而  
使從兄泰始代告之曰嗚呼吾兒去我死矣兒豈  
欲去我乎吾豈不欲留兒使無去我乎天地豈欲  
離吾父子乎汝二母在冥冥中者豈不欲汝之無  
死乎而至於此也無可柰何命也骨肉恩深惟有  
流血吾歸末期以爾先發長途自慎有歸可依歸  
與爾母權厝于郭之西予已命爾兄卜吉壤以寧  
爾母子汝其需之嗚呼痛哉此情何極

祭陳起綸

嗚呼起綸生固有死吾與君亦何恨于造物也自  
余交起綸五十年所規余望余者盡聖賢之事君  
雖貧落魄而執心履道口雖懸河不休而歷歷皆  
法語老猶侃侃不屈如其素履吾實畏君恐聞過  
舉真我之侯無可哉踉蹌萬里來京師雖為二子  
故亦恃吾在而竟一病死也是誠在我吾不能賈  
鬻以厚君知君亦不我望吾嘗謂夷齊非造物之  
所能贍如君固非吾之所能贍也寂寞之濱幽冥  
之中定無憾矣歸君之骸附漕舟行無俟北子之

將與南子之迎吾兒之襯亦舉而東具托舟人既  
稔且安涉河渡江期抵於鄞君魂與俱毋留異鄉  
還歸丘隴何恨生平人可為者已盡不可為者命  
也君如不信其面巫咸而質焉嗚呼哀哉弟病不  
能祖謹遣姪泰始持豚肩斗酒而啟攢就塗且餒  
輿者俾弗怠君幸鑒哉

哭余僧杲文

嗚呼僧杲去奚之兮物有生而有死夫既死兮安  
悲惟我生之失侶將未死兮誰知悵短日之不處

牽長心兮罔歇增何情之悵懔策無跲之蹶躓匪  
操栗而安悲固逃梧而求轄負松栢之宿要孤白  
水之信言若渡海而無梁空望洋而永歎嘆余與  
君自總角兮我言汝信若成諾兮我心汝知美寬  
綽兮無信人之言兮惟吾若兮豈君心之不靈豈  
君操之不貞匪狗比以為朋實道德以為衡遠談  
天而近人每通辰以為夕即指趨之不同解不解  
而無塞君秉剛而我柔我思綿而君直要符契而  
竟同受壑谷而莫吐成彼我之自所駢二三而為

五余取友雖甚隘君取友亦不多胡兩人之不異  
將獲匠之同科鍾期死而弦絕惠施捐而談輟嶧  
桐孤而不林豐劍飛而偕沒金間物而可斷蘭焚  
之而愈馨惟不同而不異乃萬物之至珍處不處  
兮皆靜語不語兮皆真惟吾爾之自曉更誰德而  
稱隣悲朔南之邈域聊哭寢而當紼托積歎于斯  
文感重慳之猶室羨蕩紛而游化吁介居而叢疾

祭邵世忠文

嗚呼吾兄之喪吾忍而聞吾兄之觴吾忍而陳誼

如金斷語若蘭芬隻存孤往孰剋而分天之生才  
蓋不多有或間而值其成又否半折心始竟無能  
就時耶運耶力齊德醜吾兄之心白日清池吾兄  
之才斷象剗犀吾兄之量谷虛丘夷吾兄之識洞  
淵照微鳳池摘藻烏臺植簡靡學弗窺靡猷弗殫  
出填大藩入司帝冠靡法弗平靡澤弗究粗行所  
志億萬豪釐如雲未雨如馬未馳感茲口哆痛彼  
知希江湖去遠魏闕心違漱石枕流青鞵布襪舍  
其萬里息茲六月昨年過我咲言啞啞雖在泥塗



我心靡盬江干晏語湖濤盤桓海畔魚艘山楸鶻  
冠既唱而酬或哀且歡結髮共事白頭相看桃花  
渡頭去帆忽引緘書却寄語笑未盡輕茲一別言  
須後鞭云胡造物遽而相窘豈人妬能復天忌才  
孤猿秋嘯獨鶴夜哀悠悠蒼天若何為懷自君之  
亾吾誰與偕近蒙召命憂皇夙夜方擬停舟從君  
一借堅扃夜闌舉手預謝鶴背非遙寧為我下黃  
河亦清人自不知感此名言哭我所思年不可駐  
世胡足為昔也琴尊今焉江籬黃葉渡頭秋風颯

起菊花自開付之流水

祭崔春洲座主文

昔古所重無如知己蓋士抱一奇靡途自取或無  
水而恒沉窺隙駒之疾駛有根莫陽與草同萎待  
吹噓而上天微斯人其誰與知己之恩寧不貴耶  
憶昨辛酉方困諸生儕翔鴻于燕雀埋芄茅而未  
征師實賓我歌之鹿鳴假翰于枋榆之澤移根于  
雲霧之陵雖訪山求材師何心于私士顧飲水知  
源士詎忘于生平方運袂以登庸將授綬而奉驅

義和啟行泰階指塗何白照之俄景掩清明而蝕  
之三徑歸來于杖屨一丘拓落于琴書師猶勤念  
屢加嚴勗郵筒往來信使反復園實時登田收歲  
熟門無襍賓而殷勤二三子之交家無餘貲而厭  
飫二三子之腹則我師之念之深之愛之篤可知  
也某八年去國此日重來將脩故事祝師壽杯而  
德星前殞不少遲回稟承莫逮狂斐誰裁是生已  
矣云胡不哀又况我師生鮮胤育眇丈夫子有業  
誰傳有祏誰祀雖含為不瞑之目終古貽未了之

陽明文集 卷三  
事此門弟子之所為椎心殞淚願我師發爽昭英  
而終慈惠于繼嗣者也匏繫闕庭素車莫將敬絮  
一酌告之幽堂飛雲英英盤山之陽目與心往何  
悲斯方

同年祭大宗伯羅康洲文

稽山禹穴金簡所藏海門神濤元氣鯨張惟公毓  
靈如珪如璋心潛學海譽擅詞場 穆皇龍飛應  
時利見天榜掄魁卿雲璀璨載筆石渠橫經虎觀  
鎖棘為衡踐雍作獻葆此貞直以婆以娑任波流

坎不涅不磨歷襄諸曹庶政以和敦誨吉士譽髦  
孔多帝心簡知秩宗惟汝夙夜寅清敦庸典禮爰  
有大儀未克脩舉豫教元良經天理緒衆心所歸  
旦晚宣麻陳情不已北堂萱花春明祖帳道路咨  
嗟云何騎箕于淮之涯自公為驥某等為尾為玉  
為錯或戒或否切劘箴規穆如兄弟未推其藪忍  
而稱誅國無著蔡朝喪典刑用靡竟志年非德京  
凡在朝紳顧而若瞢二三同心百身可輕遙睇越  
江素旄翩若有馨枌醕靡躬斯爵乘雲帝鄉為余

輓却大招九原庶其可作惟帝念賢悼胡遽休禮  
官舉羣將作營丘節惠名嘉青宮秩優英靈而在  
報主于幽

祭傅太恒吏部文

豪傑之生困扼蓬茅者何限乃一入麟鳳之網可  
以瑞聖世矣而猶中道夭悄然與蜉蝣蟻蠊伍天  
胡生之成之之難而棄之之易也如吾親家者立  
志甚高操行甚貞雖在周行而有輕天下細萬物  
之志脂膏莫潤圭玉無瑕月常滿而蟾蜍不缺冰

常合而魚獺不解雖發軔之伊始諒終途之可知  
目視飛鴻氣同橫蜺保身勅行閨秀不如嗟夫與  
斯人權衡人物共圖理效坐見九流澄潔百司瑩  
明四海之谿壑皆夷八方之蓋藏盡滅矣而天胡  
不勅遽奪之去豈神理之昧耶夫世之濁也闇闡  
昏晦不獨在陽亦或在陰天其遣君扶清飈以上  
征揭元氣而澄之耶不佞夙服標準心結意往願  
為石交磨切其礪故以弱息抑托婚姻今割羊無  
血而斷金猶利柰之何復為延平之劍騰躍而不

知所之嗟夫君去為景星為瑞雲為清風為皓月  
脫然無點于已足矣不佞猶有世累負荷非輕君  
何以佐我君即忘不佞豈都忘本朝無啻結之報  
耶心知之無復來密坐之無復期以棄我若遺之  
早恨論交相得之遲青松顏色改白日坐中移傳  
君已矣余復何辭於是束帛卮酒哭君之靈君  
其知耶不知耶

詞林合奠王太夫人太倉公母

天右聖明良弼是寄疇基厥祥夫人為地 帝眷



元揆忠孝立身每勤手札輒賢夫人夫人于國休  
戚相依以身健衰為子出處始當爰立駕言遲遲  
夫人曰毋爾往我怡采杞有懷迫而請謁帝曰往  
將特寬日月板輿俱來赤舄至止帝曰予悅悅乃  
燕喜燕喜何言道光中樞出告入復稟訓罔踰玉  
燭調和教繇壺順如彼海功本之河潤急流屢疏  
匪云逃堯臣疚疚毋毋以臣勞帝念懷歸予告扶  
侍含飴日長環且時賜何圖鸞馭一旦遙興厭茲  
色界言歸玉京帝聞軫傷致賜與帛復慰元臣節

哀為孝詩稱四牡情若家人詎如得天四時春溫  
女士之釐亦云景命詎如夫人始完終令昔佐夫  
君殖惠亢宗今開元臣勒旂銘鍾亦有哲季趾美  
于伯矧維孫枝奇珎異璧命使肅臨玄壤為開人  
天備福無榮與哀某等辱在通家竊聆餘訓方祝  
遐禧忍承歸問生芻不腆酌之迴風雲輶在天邇  
瞻無窮

祭徐太親家文

惟翁蹈貞履素組和績祥蚤蜚聲于黌序擅鴻藻

于藝場將九萬之翼遠何六月之息長孰樹滋而  
弗獲疇蟄久而弗翔啟神駒于皇路騰五馬于荆  
方振振寶臣赫赫寵綸捧歸自天載華載芬邈矣  
上善皎然玉塵以禮為田以德為鄰抱素情而自  
適齊大化之無為延海搆于八籌挺後凋于嚴時  
返胡遽乎幽房精其休于天池嗟黃髮之莫留詢  
典型之亾期某里中末學屢趨下風茲依令子幸  
諧姻通瞻泰喬而彌親企杖屨之從容奉遠計而  
矐矐悵白雲之西東嗟大暮之不暘托斯文乎赤

龍鳴呼哀哉

祭周太湫人文

於維太媼寶婺降精克婦克母令德令名毋德伊  
何肇啟名世鼎實是資國巖攸繫毋德伊何齋媚  
于周蘊藻潔治組紉允脩天子曰嘉爰遡長發  
疇為珠淵疇為鳳穴乃渙鸞章旌為女師翟冠瑱  
玉雲章霞紕毋德彌矜衷其布素雖衆姬姜罔窺  
喜怒繫維春仲子諗毋將歸棹未理夜舟先藏矧  
遭朋蹇婦姑齊往天不可問問之惚恍嗟惟不肖

托在葭莩曰喪母儀于何抹芻越烏燕雲玉棺遐  
舉執紼安從酹漿如許於赫閔恤有降自天光昭  
令聞徹于九泉於維太媼配地永年庶幾無憾祚  
其蟬聯

祭泚人周親母文

嗚呼壺箴自昔厥有大妣曰嬪于周思齊頌美猗  
與夫人克嗣徽音枌蘭為體琬琰為心鳳凰于飛  
來歸其侶桓裝乍脫梁案斯舉篤學少宰籥燈惜  
光鳴機佐讀稱夜未央秘苑賢關會朝暮夜規星

報佩鷄鳴三復孰是崇臚而居厥貧于沼于沚中  
饋乃親孰是華睥而寶厥儉為締為綈縞衣不厭  
櫟木示惠逮于衾裯振振者麟繼趾來遊翟第孔  
煌大官分餉宜介繁祉厥壽無量而胡一疾遽還  
岱宗浹旬之間從姑以終琴羽輟彈簫聲罷吹旌  
旄雙懸怛焉心悸予有息女托於鳳雛子恃惟母  
婦學惟姑碩人云亡內政奚述誰稱母師訓勞箴  
逸段莘同戚薄薦一卮翩然靈輶恍其格思

祭長孺七弟文

嗚呼骨肉之傷惟死為慘然而子哀父弟哭兄者  
常也至于今日而反常特甚矣痛哉予謝政歸凡  
九載遭期與大功之喪各二幾刲我腸余口不能  
言足不能步未必由此而亦未必不由此今為子  
者日聚首而娛我為弟者日拊背而侍我尚以為  
於旦暮人無禪也亾何長兒無病而死是時吾弟  
數過相慰曰死生有命毋過慟自傷也乃不二十  
日而吾弟竟棄世矣嗟嗟當慰我時寧念至此耶  
痛哉吾弟通籍三十餘載始陟方岳之黔中間關

萬里昔入所謂鬼域之區也聞在黔固病瀕死而  
生生而又以覲事之燕夫以一孱弱之軀馳驅  
南北出入瘴癘尚保無恙今幸爾家居無番夷之  
警以撓其寧無戴星履霜跋趾之勞以蕩其神此  
正離祉迓齡之日也何遽一旦輒轍而旋耶余年  
雖及耄事多未了長兒死已奪我魄庶幾吾弟手  
足相依萬一有賴而今已矣父痛子兄哭弟一是  
閔凶至於斯極嗚呼痛哉吾弟端凝簡默得意恬  
安不得意亦恬安屹然之度望而知為長者歷官



儀部有聲已請出外則于楚于閩于魏于貴竹所  
至以惇大養物力以恬夷收衆心跡其素絲皆壽  
類也夫年踰古稀未為不壽乃余之私願不止此  
白日忽黯通宵失寐可向誰何一泄此哀余愛弟  
弟亦恭余尚翩然彷彿來鑒我哀嗟乎弟不能翩  
然忽下來鑒我哀也弟果逝矣痛哉

誄

吳孺人誄并序

吳孺人卒時家君抱瘍卧蓐懼傷其心匿不計聞

既廿有餘日病間覺投涕謂一貫曰兒其誅焉兒  
豈盡知之乎吳孺人有烈士之操未可無志也吾  
王叔父曰宗三府君有女姑嫁同邑吳璉期年而  
女姑免身死父母憐之曰女雖死終不以女死薄  
而壻也為再娶東郭周氏女周氏女者其母盧與  
府君子嬪无弟也生而靜慧閑於儀則自未笄嘗  
往來吾家府君以為賢室其壻焉即吳孺人云孺  
人嫁二年而生子松育末期而壻病大疔死或諷  
之嫁矢曰夫以此一孤貽我又無他昆弟立門戶

吾何愛哉久之且十年姑死舅氏貧不能厚詳市  
子從傍贊之請嫁嬭以資已曰新婦少懼不終孺  
人怒且泣曰夫人安知松栢之凋也吾王父王叔  
父喜曰兒能守志爾壻且瞑目於是具狀所欲終  
為吳氏嬭者往訴之府太守楊公最嗟嗟曰安得  
眴眴少婦而必為百年人如吳氏婦者署云有不  
成吳氏嬭者視此諸弄層者乃去而孺人居家無  
憚劇易以供甘毳終其舅之年以孝聞有女兄嫁  
陶氏稍羸其夫之姊嫁毛氏好義能施皆哀孺人

數來賜與尤與沈氏密婚葬大事盡來會吾兄弟  
自少時奉之如已姑孺人亦視為已姪也孺人為  
人好潔褊褊簪珥肅如也賓客祭祀齋如也所生  
子松教之事生業被服揖讓如儒者嗚呼孺人死  
矣哀哉夫孺人生七十四年而華茂湏臾耳撫志  
不悔如金如玉可不謂難焉凡寡婦多亢決少柔  
巽而孺人顧溫溫無喜愠言不舍口至柔而剛孺  
人以之嗚呼哀哉一貫受命謹誄誄曰曷為女德  
彤管有燦一醺不改二門無踐借無鳳皇視鳩與

雁鳴呼哀哉窈窕淋姿無取紛華桃李之天天歲無  
再花短景不續長逝如何鳴呼哀哉誰其咻予匪  
夷所思助消在門視此簡書蒙被已截臨鏡罷剗  
鳴呼哀哉開芳素里與道并契至性不師默成冥  
會避華若仇甘荼如醉鳴呼哀哉詩軫共誓祀脯  
桓嫠悠悠百年合此明珠數奇志偶生悵死怡鳴  
呼哀哉

夢鳴文集

卷二十

四十四

夢鳴文集卷二十終